

全宋詩輯補

湯華泉 輯撰

第十冊

黃山書社

全宋詩輯補

全宋詩輯補

湯華泉

輯撰

第十冊

黃山書社

釋用元

釋用元，住蘇州報恩泗州院，建隆昭慶禪師法嗣。《五燈會元》卷一八。

偈

一二三四五，火裏唧螻吞却虎。六七八九十，水底泥牛波上立。一日一夜雨霖霖，無孔鐵錘灑不入。灑不入，着底急？百川汹涌須彌岌。八臂那吒撞出來，稽首贊嘆道難及。《五燈會元》卷一八。

釋靜顯

釋靜顯，生於西蜀農家，住襄州谷隱山，仰山行偉禪師法嗣。見《羅湖野錄》卷下、《建中靖國續燈錄》卷二二。

偈

三日一風，五日一雨。時清道泰，歌謠滿路。釋迦掩室謾商量，淨名杜口休更舉。要知極則

本根源，識取南莊李胡子。敢問諸人，祇如李胡子有甚長處，會麼？今年必定有來年，不如剩種來年粟。

九九八十一，日南長至日。晷運既推移，大家相委悉。非爲世諦流布，且要膺時納祐。

今朝正月五，大衆明看取。火上更加熱，苦中更加苦。堪笑谷隱太無端，空谷岩前說寐語。

《建中靖國續燈錄》卷二二。

答僧問

清風來不盡，明月照無私。
《嘉泰普燈錄》卷七。

仰山忌日拈香

仰面不見天，低頭不見地。不知大仰來不來，一炷旃檀表勤意。
《羅湖野錄》卷下。

僧某

對靜顯

祇園五葉華開處，不屬東君別是春。《嘉泰普燈錄》卷七。

釋明

釋明，住廬山慧日，仰山行偉禪師法嗣。見《建中靖國續燈錄》卷二二、《五燈會元》卷一八。

偈

不用求心，唯須息見。三祖大師，雖然迴避金鉤，殊不知，已吞紅綫。慧日又且不然，不用求真并息見，倒騎牛兮入佛殿。牧笛一聲天地寬，稽首瞿曇，真個黃面。《建中靖國續燈錄》卷二二。

釋善隨

釋善隨，住潭州龍王山，仰山行偉禪師法嗣。見《建中靖國續燈錄》卷二二、《五燈會元》卷一八。

偈

人人皆拜歲，山僧不賀年。山僧不賀年，諸人皆肯然。若是依時及節，也少他元正啓祚，萬物咸新不得。

奇哉皮鼓響，大眾盡來參。既善知時節，龍王不再三。《建中靖國續燈錄》卷二二。

釋永泰

釋永泰，隨州（今屬湖北）人，住筠州黃檗山祇園，仰山行偉禪師法嗣。見《建中靖國續燈錄》卷二二、《五燈會元》卷一八、《續傳燈錄》卷一八。

偈

祖師妙訣，不妨徑截。非風幡動，多少漏泄。《建中靖國續燈錄》卷二二。

釋齊輔

釋齊輔（？——一一二〇），蜀之閬苑（今四川閬中）人，丞相陳堯叟之孫，住隆興府九仙，泐潭洪英禪師法嗣。見《嘉泰普燈錄》卷七。

偈

百丈開田說大義，仰山夢裏起白椎。靈照策籬祇五文，千載之下并光輝。蓬蓬茸茸，師子出窟。雍雍籠籠，猛虎截峰。更若不會，擾擾匆匆。

偈句

祇可背摩霄漢，不可入他蘆葦。

答僧問

青山作畫屏，流水清行止。

一鶚落長空，白雲千萬里。

久向紅霞居不出，若非清世見應難。

《嘉泰普燈錄》卷七。

僧某

呈齊輔禪師

昨夜三更木馬嘶，碧眼胡僧特地疑。今朝善法堂前見，元是金毛師子兒。

承師磊落驚人句，意氣風光滿座生。

同上卷七。

釋齊添

釋齊添，住南岳法輪寺，泐潭洪英禪師法嗣。見《嘉泰普燈錄》卷七、《五燈會元》卷一八。

四喝偈

師子哮吼，象王嘖呻。狂狗趁塊，蝦跳不出斗。

性靜情逸，心動神疲。守真志滿，逐物意移。

見怪不怪，其怪自壞。《五燈會元》卷一八。

釋齊恂

釋齊恂，住潭州大瀉山，泐潭洪英禪師法嗣。見《建中靖國續燈錄》卷二二、《嘉泰普燈錄》卷七。

偈

青山叠叠水茫茫，猿愛岩邊果熟香。更有一般堪羨處，誰知別有好思量。《建中靖國續燈錄》卷二二。

釋行瑜

釋行瑜，住南岳上封，泐潭洪英禪師法嗣。見《建中靖國續燈錄》卷二二。

答僧問上封境

北望洞庭千里浪，南觀石廩萬波烟。

脚踏古壇千片石，手攀松樹萬年枝。
《建中靖國續燈錄》卷二二。

釋友恩

釋友恩，住袁州仰山，泐潭洪英禪師法嗣。見《建中靖國續燈錄》卷二二、《續傳燈錄》卷一八。

偈句

達磨九年空面壁，西歸羞見洛陽人。
《建中靖國續燈錄》卷二二。

釋雲

釋雲，住泉州永春慧明院，泐潭洪英禪師法嗣。見《建中靖國續燈錄》卷二二、《嘉泰普燈錄》卷七。

偈

少室遺風，曹溪要旨。黃檗收來，臨濟扶起。三玄戈甲競頭分，四揀開遮何指比？定宗乘，立綱紀。當機驗取廬陵米，更從升合定高低。爭似備師封白紙。象骨提，心暗喜。同風今古播叢林，切忌扣牙驚着齒。

雪峰鰲鼻，馮山水牯。臨濟三玄，雲門一普。勸君一一透將來，捉取大雄山下虎。《建中靖國續燈錄》卷二二。

釋楚金

釋楚金，住廬陵清平，黃檗積翠永庵主法嗣。見《建中靖國續燈錄》卷二二、《續傳燈錄》卷二一。

上堂歌

人悄悄，鼓鼕鼕，特地升堂話祖風。千般說，萬般喻，特地翻真却成僞。分別緇素與色空，扶籬摸壁路難通，休尋南北與西東。山僧拄杖太無端，吞却十方刹界中。刹界中，細推窮。三十年後，幾多白頭翁。《建中靖國續燈錄》卷二一。

釋道輪

釋道輪，住蘄州月頂延福寺，五祖曉常禪師法嗣。見《建中靖國續燈錄》卷二三、《增集續傳燈錄目錄》卷二。

上堂

重陽何物助僧家，籬菊枝枝盡發花。不學故侯將伴飲，爲君泛出趙州茶。祇此一杯醒大夜，盧仝七碗謾矜誇。

時雨頻過比屋涼，師田昆甲盡同光。禪家高卧無餘事，贏得林梢磬韻長。正當恁麼時，誰是知音者？子期別後空千載，月上落崖流水寒。

答僧問

落花鋪地錦，流水映天心。

劍有七星君可度，琴無五綫客難尋。

多謝寶陀岩上月，舒光常得到松門。《建中靖國續燈錄》卷二三。

釋自遵

釋自遵，號正覺，住廬山東林寺，大滬慕喆禪師法嗣。見《嘉泰普燈錄》卷八、《五燈會元》卷一一。

偈句

山色翠穠春雨歇，柏庭香擁木蘭開。《嘉泰普燈錄》卷八。

釋法詮

釋法詮，住杭州靈鳳山萬壽寺，杭州淨土善思禪師法嗣。見《建中靖國續燈錄》卷二三、《五燈會元》卷一一。

偈

德山棒，臨濟喝，盡是無風波。咂咂。燈籠踔跳過青天，露柱魂驚頭腦裂。然雖如是，大渴食鹽加得渴。《建中靖國續燈錄》卷二三。

答僧問

指在唯觀月，風來不動幡。《五燈會元》卷一一。

釋守隆

釋守隆，住杭州慶善寺，杭州淨土善思禪師法嗣。見《建中靖國續燈錄》卷二三、《五燈會元》卷一一。

偈

花簇簇，錦簇簇，鹽醬年來是事足。留得南泉打破鍋，分付沙彌煮晨粥。晨粥一任，諸人飽

吃。《建中靖國續燈錄》卷二三。

釋元禮

釋元禮，閩（今福建）人，受業於焦山，遷五祖，終於四明瑞岩，五祖法演禪師法嗣。見《嘉泰普燈錄》卷一、《五燈會元》卷一九。

偈

上是天，下是地。中間坐底坐，立底立。

答僧問

有眼無耳朵，六月火邊坐。《五燈會元》卷一九。

釋天

甘露天，未明，位次在北宋。見《禪宗頌古聯珠通集》卷三三。

雲門因僧問如何是透法身句，師曰：『北斗裏藏身。』

東西南北，上下四維。橫身宇宙，拶破須彌。《禪宗頌古聯珠通集》卷三三。

釋通

釋通，住少林。排序在北宋。見《禪宗頌古聯珠通集》卷一八。

頌古

趙州因僧游五臺問一婆子曰：『臺山路向甚麼處去？』婆曰：『驀直去。』僧便去。婆曰：『好個師僧，又恁麼去。』後有僧舉似師，師曰：『待我去勘過。』明日師便去問：『臺山路向甚麼處去？』婆曰：『驀直去。』師便去。婆曰：『好個師僧，又恁麼去。』師歸院謂僧曰：『臺山婆子爲汝勘破了也。』

趙州勘破路難過，無限平人走似梭。日暮臺山空寂寂，至今猶未絕誦訛。《禪宗頌古聯珠通集》卷一八。

釋慧連

釋慧連，一作惠連，住潭州南岳承天寺，雲蓋智本禪師法嗣。見《建中靖國續燈錄》卷二四、《續傳燈錄》卷二五。

扇子偈

犀牛扇子古今揚，七十峰前九夏長。二六時中如可用，分明頭角好商量。且問諸禪德商量個什麼？任爾千般巧，終無兩樣風。

偈

湖南近日稍別，小雪應時及節。但管積嶺堆山，勿論春寒秋熱。阿呵呵，真可悅，庭下黃柑香不徹。《建中靖國續燈錄》卷二四。